

U skladu sa članom 2. stav 3. Zakona o kontroli cijena („Službene novine Federacije BiH“, br. 2/95 i 70/08), a na osnovu člana 29. tačka d) a u vezi sa članom 83. stav (3) Statuta Kantonalnog javnog komunalnog preduzeća za snabdijevanje prirodnim gasom “Sarajevogas” d.o.o. Sarajevo broj: 010101-01-2540/16 od 05.10.2016. godine, člana 22. Poslovnika o radu Nadzornog odbora broj: 2002/10 od dana 24.08.2010. godine, Nadzorni odbor, na prijedlog Uprave Preduzeća, na svojoj 39. sjednici održanoj dana 14.12.2016. godine, donio je

P R A V I L N I K

o načinu formiranja cijena prirodnog gasa i pratećih usluga u KJKP „Sarajevogas“ d.o.o. Sarajevo

I OPŠTE ODREDBE

Član 1.

Ovim Pravilnikom se uređuju uvjeti i način formiranja cijena prirodnog gasa i pratećih usluga u KJKP „Sarajevogas“ d.o.o. Sarajevo (u daljem tekstu: Preduzeće).

Član 2.

(1) Pod pojmom prirodnog gasa u smislu člana 1. ovog Pravilnika, podrazumijeva se nabavljeni prirodni gas od dobavljača, radi dalje prodaje krajnjim kupcima.

(2) Pod pojmom pratećih usluga u smislu člana 1. ovog Pravilnika podrazumijeva se obavljanje registriranih usluga na tržištu u zemlji i inostranstvu.

Član 3.

(1) Cijenu prirodnog gasa Preduzeće utvrđuje u skladu sa uslovima i kriterijima utvrđenim mjerama neposredne kontrole cijena.

(2) Cijene pratećih usluga se formiraju slobodno, prema uvjetima tržišta.

Član 4.

U slučaju postojanja mjera neposredne kontrole cijena, Preduzeće utvrđuje cijene saglasno uslovima i kriterijima utvrđenim mjerama neposredne kontrole cijena.

Član 5.

Pri formiranju cijena neće se vršiti dogovor sa drugim pravnim i fizičkim licima, koristiti monopolski položaj, niti druga pravna i fizička lica dovoditi u neravno pravan položaj.

Član 6.

Cijene prirodnog gasa i pratećih usluga koje su predmet prodaje, načelno se formiraju na način i po postupku utvrđenim ovim Pravilnikom.

II POSTUPAK FORMIRANJA CIJENA

Član 7.

(1) Preduzeće je dužno prilikom prodaje prirodnog gasa, pridržavati se cijena koje je utvrdio nadležni organ primjenom mjera neposredne kontrole cijena.

(2) Za prateće usluge kojima se cijene formiraju slobodno, Nadzorni odbor Preduzeća utvrđuje visinu prodajne cijene pratećih usluga na prijedlog Uprave.

Član 8.

Za prateće usluge kojima se cijene formiraju slobodno izrađuje se Cjenovnik usluga, koji se objavljuje na web stranici Preduzeća.

Član 9.

Cjenovnik usluga iz člana 8. ovog Pravilnika, na prijedlog Uprave donosi Nadzorni odbor Preduzeća.

III FORMIRANJE CIJENA PRIRODNOG GASA

Član 10.

Prodajna cijena prirodnog gasa obuhvata troškove nabavke prirodnog gasa i sve troškove koji su nastali u procesu dovođenja prirodnog gasa na lokaciju prodaje.

Član 11.

(1) Prodajna cijena prirodnog gasa sastoji se od:

- a) nabavne cijene;
- b) cijene komunalne usluge (distributivna marža);

(2) Na prodajnu vrijednost prirodnog gasa se obračunava PDV (porez na dodatu vrijednost).

Član 12.

(1) Nabavna cijena prirodnog gasa predstavlja veleprodajnu cijenu prirodnog gasa za distributivna privredna društva na području Federacije BiH, koju utvrđuje Vlada Federacije BiH.

(2) Regulisanje cijene prirodnog gasa za distributivna privredna društva na području Federacije BiH zasniva se na osnovu cijene nafte i naftnih derivata na svjetskom tržištu kao polazne osnove za kalkulaciju, definisanih perioda isporuke, odnosa planiranih količina i realizovanih količina gasa, sezonske ili dnevne dinamike isporuke, odnosa ugovorenog i isporučenog kvaliteta gasa kao i ostalih kalkulativnih elemenata cijene isporučenog gasa.

(3) Odluka o davanju saglasnosti na veleprodajnu cijenu prirodnog gasa za distributivna privredna društva na području Federacije BiH objavljuje se u Službenim novinama Federacije BiH.

Član 13.

(1) Cijena komunalne usluge (distributivna marža) predstavlja cijenu distribucije prirodnog gasa za različite kategorije kupaca, koju utvrđuje Vlada Kantona Sarajevo.

(2) Visinu cijene i način plaćanja komunalne usluge predlaže Preduzeće, na temelju detaljne kalkulacije.

(3) Cijena komunalne usluge sadrži sve troškove tekućeg održavanja i funkcionisanja gasnog sistema, te troškove nabavke novih stalnih sredstava Preduzeća.

(4) U cijenu komunalne usluge uključena je amortizacija, koja se sastoji iz amortizacije stalnih sredstava Preduzeća i amortizacije stalnih sredstava infrastrukturnog komunalnog sistema, odnosno dobara u općoj upotrebi.

(5) Validnost kalkulacije i konačan prijedlog visine cijene komunalnih usluga utvrđuje neovisno stručno tijelo Vlade Kantona Sarajevo, a stvarnu cijenu komunalne usluge određuje i usvaja Vlada Kantona Sarajevo.

(6) Odluka o utvrđivanju cijene komunalne usluge (cijene distribucije prirodnog gasa) objavljuje se u Službenim novinama Kantona Sarajevo.

IV FORMIRANJE CIJENA PRATEĆIH USLUGA

Član 14.

Prodajna cijena pratećih usluga ima sljedeću strukturu:

- a) troškovi rada (plaće, materijal, energija);
- b) troškovi sredstava za rad (amortizacija, održavanje, osiguranje);
- c) ostali troškovi direktno vezani za pružanje usluga;
- d) uslužna marža.

Član 15.

(1) Prodajna cijena pratećih usluga se utvrđuje Cjenovnikom usluga Preduzeća.

(2) Na prodajnu vrijednost pratećih usluga se obračunava PDV.

V PROMJENA CIJENA PRATEĆIH USLUGA

Član 16.

Cijene pratećih usluga utvrđene na način propisan ovim Pravilnikom, mogu se mijenjati u skladu sa uslovima tržišta, ukoliko nije propisana kontrola cijena određenih usluga.

Član 17.

Odluku o promjeni cijena pratećih usluga donosi Nadzorni odbor, na prijedlog Uprave.

VI OSTALE ODREDBE

Član 18.

(1) Preduzeće je dužno prilikom prodaje prirodnog gasa, pridržavati se cijena koje je utvrdio nadležni organ primjenom mjera neposredne kontrole cijena.

(2) Preduzeće je dužno prilikom prodaje pratećih usluga, pridržavati se cijena utvrđenih u Cjenovniku usluga.

(3) Preduzeće je dužno da Cjenovnik usluga učini dostupnim kupcima u skladu sa članom 8. ovog Pravilnika.

Član 19.

Na sve što u pogledu formiranja cijena, nije regulisano ovim Pravilnikom, primjenjuju se odredbe važećih propisa.

Član 20.

Ovaj Pravilnik stupa na snagu istekom osam dana od dana objavljivanja na oglasnoj ploči, a objaviće se i na intranet mreži informacionog sistema Preduzeća.

Član 21.

Ovaj Pravilnik će se objaviti na oglasnoj ploči narednog dana od dana usvajanja od strane Nadzornog odbora.

Broj:010101-02-_____/16

Datum:_____

**PREDSJEDNIK
NADZORNOG ODBORA**

Mr. Mrkonja Miralem dipl.ing.el.

Potvrda zakonitosti Pravilnika od strane kvalifikovanog lica pravne struke (član 19. ZJP F BiH):
